

**বীৰাইৰগন' সাকচুকজাক খীলায় তিসানানি নাহাৰমুঙগ'
সামুঙ তাঙগাঁই তঙগ' হাফাঙ : সীনামমুঙ নাইখুঙনি মন্ত্ৰি**

মন্ত্ৰি বখৰক নৱেন্দ্ৰ মোদি থাংনাই ১৭ সেপ্টেম্বৰঅ মধ্যপ্ৰদেশনি ধাৰ হাঙখৰঅ 'সুস্থ নারী, সশক্ত পৰিবাৰ' সামুঙবীতাংন' চেঙগাঁই ৰীখা। অবন' ৰীগাঁই উত্তৰ ত্ৰিপুৰা হাঙখৰ আমচায়' অ সামুঙবীতাংন' তেৱনি বিসিংতাই চেঙগাঁই ৰীখা সীনামমুঙ তেই বানিয়া নাইখুঙনি মন্ত্ৰি সান্ত্বনা চাকমা। ধৰ্মনগৰনি বিবেকানন্দ সাৰ্থ শতবাৰ্ষিকী ভবনঅ সঙচাজাকখা হাঙখৰেৱনি পানদা। মন্ত্ৰি বখৰকনি য়াগ বাই চেঙগাঁই ৰীজাকমানি 'সুস্থ নারী, সশক্ত পৰিবাৰ' সামুঙবীতাংন' দাদাক-সিদাক খীলায় ফুনুকজাকখা উত্তৰ ত্ৰিপুৰা হাঙখৰ আমচায়নি পানদাঅ। বনি লগি লগি সঙচাজাকখা হেলথ ক্যাম্প। ক্যাম্পঅ বীৰাইৰগন' মাগীনাঙ জুদা জুদা বেমাৰি চেৱাঁই নাইজাকনায় টেষ্ট খীলায়জাকখা তেই নাংমানি ককবিত্তি ৰীজাকখা। মাগীনাঙ নাংমানি বিথিৰগব' ৰীজাকখা। হাঙখৰেৱনি পানদাঅ ককমুঙ নাৰীকফুৰু সীনামমুঙ নাইখুঙনি মন্ত্ৰি সান্ত্বনা চাকমা সাখা, মন্ত্ৰি বখৰক নৱেন্দ্ৰ মোদি বীৰাইৰগনি সাক কাহাম খীলায় নাৰীকনানি বাগাঁই অবহায় নাংমানি সামুঙবীতাংন' চেঙগাঁই ৰীখা। অ সামুঙবীতাংনি বিসিংতাই চিনি হাসতেনি কামি আমচায় তেই আউলিনি বীৰাইৰগ মাগীনাঙ হেলথ ক্যাম্পঅ থাংগাঁই সাক আমজগাঁই নায়নানি সেপ তেই মাগীনাঙ সাক নায়জাগাঁই মাননায়। ব তেইব' সাখা, তাবুকনি হাফাঙ বীৰাইৰগনি হামকীৱাইঅ তেই বৰগন' জত' বীখাকতাই সাকচুকজাক খীলায় তিসানানি সাকা ফানবকসিনখা। সেলফ হেল্প বদল এবাখে কুবুন মুঙসা সামুঙবীতাংগ' বীৰাইৰগন' বাহায় খীলায় সাকচুকজাক খীলায় তিসায় মান আ নাহাৰমুঙগ' সামুঙ তাঙগাঁই তঙগ' তাবুকনি হাফাঙ।

ব সাখা, বীৰাইৰগন' সাকচুকজাক খীলায় তিসামানি বিসিংতাই সাকচুকজাক হাসতে এবাখে সাকচুকজাক হাকতৰ আংগাঁই মাননায়। সঙচাউই মাননায় বিকশিত ভাৱত। মন্ত্ৰি বখৰক নৱেন্দ্ৰ মোদি ২০৪৭ বিসিনি বিসিং বিকশিত ভাৱত সঙচানানি নায়মাৰি ৰমাই সামুঙ তাঙগাঁই তঙগ'। চিনি হাসতেঅব' আবন' মুকথাঙ সীনামনানি বাগাঁই সামুঙবীতাং ৰমাই সামুঙ তাঙগাঁই তঙগ'। বনি বাগাঁই ভোকাল ফৰ লোকাল পলিসিন' য়াগ' নাহাৰনা নাংনাই। হাকতৰনি মানীয়ন' সামুঙগ' ফীনাঙনা নাংনাই। অ সালনি পানদাঅ উত্তৰ ত্ৰিপুৰা জিলা পৰিষদনি সভাধিপতি অপৰ্ণা নাথ সাখা, 'সুস্থ নারী, সশক্ত পৰিবাৰ' সামুঙবীতাংনি বিসিংতাই বীৰাইৰগনি বেলায়খে হামকীৱাই আংনাই।

পানদাঅ ককমুঙ নাৰীকফুৰু এমএলএ যাদবলাল দেবনাথ সাখা, মন্ত্ৰিবখৰক নৱেন্দ্ৰ মোদি বীৰাইৰগনি হামকীৱাইঅ জুদা জুদা সামুঙবীতাং য়াগ' নাখা অ সালনি পানদাঅ বন' কাৱীইব' মানজাক ফায়খা উত্তৰ ত্ৰিপুৰা জিলা পৰিষদনি সহকাৰি সভাধিপতি ভবতোষ দাস, ধৰ্মনগৰ পুৰ পৰিষদনি চেয়াৰপাৰ্সন মিতালী ৱাণী দাস সেন, ডিএম চাঁদনী চন্দ্ৰন, সিএমও ড. দীপক চন্দ্ৰ হালদাৰ, সোশ্যাল ওয়াৰ্কাৰ কাজল কুমাৰ দাস, জিলা পৰিষদনি মেম্বাৰ জয়জিৎ শৰ্মা আকসঙ।